

Srednja ekonomska škola, Zmaja od Bosne 39, 71000 Sarajevo, BiH, ID broj: 4200682720003 (u daljem tekstu Pretplatnik), koju zastupa Direktor Avdija Serdarević

i

Logosoft d.o.o., Igmanska 9, 71000 Sarajevo, BiH, ID broj: 4200236190009 (u daljem tekstu Logosoft) kojeg zastupa Direktor Faruk Telibećirović

dana 16.10.2012.godine, zaključili su sljedeći

UGOVOR broj : 29681-03-SA/12

o pružanju usluga pristupa Internetu

Definicije pojmova

Definicije pojmova koji se koriste u tekstu ugovora :

Logosoft d.o.o. -licencirani telekomunikacijski operator registrovan za pružanje usluga koje su predmet ovog ugovora

Pretplatnik - svako (punoljetno) fizičko lice ili pravno lice sa kojim se sklopi odgovarajući pretplatnički ugovor

Pretplatnički ugovor (Ugovor u daljem tekstu) - ugovor između Logosofta i Pretplatnika kojim su regulisani međusobni odnosi pri pružanju predmetnih usluga. Sastavni dio ugovora čine i prilozi u kojima su definisane tehničke karakteristike usluge, cijene, te ostale informacije koje nisu obuhvaćene ugovorom, a specifične su za predmetnu uslugu.

Pretplata - novčani iznos koji Pretplatnik plaća Logosoftu, na mjesečnom nivou, za korištenje predmetne usluge. Iznos pretplate zavisi od odabranog paketa usluga.

Naknada za priključenje - fiksni novčani iznos koji Pretplatnik plaća jednokratno, prilikom priključenja usluge po svakoj lokaciji, kao naknadu za usluge dovođenja korisničke instalacije za pružanje usluge, te konfigurisanja opreme, ukoliko ista postoji.

Naknada za najam opreme - fiksni novčani iznos koji Pretplatnik plaća Logosoftu, na mjesečnom nivou, za iznajmljivanje korisničke opreme, ukoliko istu ne posjeduje, a potrebna je za pružanje usluge.

Korisnički račun - identifikator Pretplatnika u sistemu Logosofta, koji određuje pristupne podatke potrebne za korištenje usluge

Usluga koja je predmet ugovora, namijenjena je isključivo za ličnu upotrebu Pretplatnika, te nije predviđena za dalju distribuciju na bilo koji način.

Predmet ugovora

Član 1.

Predmet ugovora je usluga ostvarenja veze TCP/IP protokolom na Internet mrežu. Logosoft pretplatniku garantuje da će navedena usluga biti isporučena na način i pod uslovima određenim u ovom ugovoru i pripadnim prilogima ugovoru.

Uslovi pod kojima se mogu koristiti Internet paketi koji su predmet ugovora, definišu se kroz Uslove prihvatljivog korištenja Internet baziranih servisa i usluga.

Obaveze Logosoft-a

Član 2.

Logosoft se obavezuje pretplatniku pružati uslugu pristupa Internetu, kapaciteta i putem infrastrukture određenih u Prilogu 1 - Podaci o usluzi.

Logosoft nije u obavezi da interveniše na opremi Pretplatnika koja nije definisana ovim Ugovorom.

Logosoft se obavezuje da svojim ponašanjem i aktivnostima neće povrijediti tajnost podataka, poruka i dokumenata kojima raspolaže Pretplatnik.

Logosoft ne odgovara za sigurnost i tačnost podataka i drugih informacija sa Interneta koje su dostupne Pretplatniku.



2012 Preferred



Partner



Završne odredbe

Član 18.

Ugovorne strane su saglasne da će sve eventualne sporove, koji bi nastali u vezi s izvršenjem ovog ugovora, rješavati u konstruktivnom duhu međusobne suradnje i dobre volje. U slučaju da se strane ne mogu na ovaj način sporazumjeti, za sporove je nadležan Sud u Sarajevu.

Član 19.

Ovom ugovoru se prilaže Prilog 1 - Podaci o usluzi. Navedeni prilog je sastavni dio ovog ugovora.

Član 20.

Sve promjene i dopune ugovora su pravno valjane ako su sklopljene u pisanom obliku i potpisane od obje ugovorne strane.

Član 21.

Ovaj ugovor i prilozi sastavljeni su u po dva (2) primjerka od kojih svaki ima pravnu važnost originala. Svaka ugovorna strana zadržava po jedan (1) primjerak.

Član 22.

Potpisom ovog ugovora, Pretplatnik potvrđuje da je razumio sve odredbe ovog ugovora, te da iste u cijelosti i bez ograničenja prihvata.

Ugovorne strane

Za Logosoft:

Damir Dizdarević
Šef odjela korisničkih servisa

U Sarajevu, 16.10.2012. godine



Pretplatnik:

Avdija Serdarević
Direktor

U Sarajevu, 16.10.2012. godine

br. 1809/12



2012 Preferred



Partner

